

Þjónustusamningur um kennslu og rannsóknir milli Listaháskóla Íslands og mennta- og menningarmálaráðuneytis 2012 – 2016

Mennta- og menningarmálaráðuneytið, kt. 460269-2969, í samningi þessum nefnt ráðuneyti, og Listaháskóli Íslands, kt. 421098-4099, í samningi þessum nefndur háskóli, gera með sér svofelldan samning um fjárframlög til kennslu og rannsókna á grundvelli heimildar í 1. mgr. 21. gr. laga nr. 63/2006 um háskóla með síðari breytingum.

1. Lagaheimildir og forsendur samningsins

- 1.1. Um samninginn gilda ákvæði 30. gr. laga nr. 88/1997 um fjárreiður ríkisins og reglugerðar nr. 343/2006 um samninga um rekstrarverkefni sem ráðuneyti og ríkisstofnanir gera til lengri tíma en eins árs, nema ríkari kröfur séu gerðar í lögum nr. 63/2006 um háskóla með síðari breytingum.
- 1.2. Háskólinn starfi í samræmi við lög nr. 63/2006, reglur og önnur stjórnvaldsfyrirmæli sem ráðuneytið gefur út á grundvelli þeirra.
- 1.3. Háskólinn hafi viðurkenningu skv. 3. gr. laga um háskóla.
- 1.4. Háskólinn starfi samkvæmt skipulagsskrá samþykktri 21. september 1998 sem ráðuneytið hefur fallist á sem eina af forsendum samnings þessa.
- 1.5. Háskólinn starfi í samræmi við lög og reglugerðir sem eiga við um starfsemi hans. Þar á meðal lög og reglugerðir um rekstur aðila sem ekki eru ríkisaðilar en veita opinbera þjónustu sem er kostuð að verulegu eða öllu leyti af framlögum ríkisins, eftir því sem við á¹.
- 1.6. Aðilar þessa samnings gera með sér samkomulag til að útfæra nánar áherslur og sameiginleg markmið skv. c- lið 2. mgr. 21. gr. laga um háskóla. Telst samkomulagið vera hluti af samningi þessum og er miðað við að það sé endurskoðað árlega.

2. Þjónusta, verkefni

- 2.1 Háskólinn veiti nemendum og kennurum nauðsynlega þjónustu og aðbúnað sem almennt tíðkast vegna náms á viðurkenndum fræðasviðum skólans. Skólinn er með viðurkenningu á fræðasviðinu *listir* og eru undirflokkar þess og námsbrautir eftirfarandi:

Myndlist.	<i>myndlistarnám</i> til BA gráðu, 180 ECTS.
Leiklist og dans.	<i>leikaranám</i> til BA gráðu (180 ECTS), <i>samtímadans</i> til BA gráðu (180 ECTS), og <i>fræði & framkvæmd</i> til BA gráðu, 180 ECTS.
Tónlist.	<i>hljóðfæraleikur/söngur</i> með diplóma á bakkalárstigi (80 ECTS), <i>hljóðfæraleikur/söngur</i> til BMus gráðu (180 ECTS), <i>kirkjutónlist</i> til BA gráðu (180 ECTS), <i>skapandi tónlistarmiðlun</i> til BA gráðu (180 ECTS), <i>tónsmíðar</i> til BA gráðu (180 ECTS), <i>meistaránám í tónsmíðum</i> til MA gráðu (120 ECTS), og <i>meistaránám í sköpun, miðlun og frumkvöðlastarfi</i> (samevrópskt nám) til MMus gráðu (120 ECTS).

¹ Háskólanum verður sent bréf þar sem vakin er athygli á lögum og reglugerðum sem geti átt við.

MMK
12070001
10.20.2

Hönnun- og arkitektúr. *arkitektúr til BA gráðu (180 ECTS), fatahönnun til BA gráðu (180 ECTS), grafísk hönnun til BA gráðu (180 ECTS), og vörhönnun til BA gráðu (180 ECTS).*

Listkennsla. *meistaránám í listkennslu til MArtEd gráðu (120 ECTS), meistaránám í listkennslu til MA gráðu (120 ECTS), og diplómanám í listkennslu (60 ECTS).*

2.2 Háskólinn vinni að uppbyggingu þekkingar á framangreindum sviðum og stuðli að virkri miðlun rannsókna til samfélagsins. Í því felst að akademískir starfsmenn háskólans leggja stund á rannsóknir og nýsköpun í listum og skapandi greinum með áherslu á samstarf og tengsl við lista – og menningarlíf.

2.3. Miðað er við að stærð háskólans sé á bilinu 400-600 nemendur (einstaklingar).

3. Réttindi og skyldur nemenda

3.1. Háskólinn hafi á vefsíðu sinni greinagóðar upplýsingar um réttindi og skyldur nemenda, þar á meðal leiðbeiningar um málskotsrétt þeirra, gjaldtökureglur, fyrirkomulag náms, kennsluskrá og próftökureglur.

3.2. Innritun nemenda er á ábyrgð háskólans sbr. VII. kafla laga um háskóla.

3.3. Háskólinn taki þátt í að samræma umsóknarferli með öðrum háskólum og ráðuneytinu.

3.4. Háskólinn haldi rafrænt nemendabókhald sem getur látið miðlægu kerfi í té upplýsingar um nemendur háskólans svo sem skráningu þeirra í námskeið og próftöku, eftir önnum.

3.5. Innheimti háskólinn gjald af nemendum vegna þjónustu sem samningur þessi fjallar um skal ástæða gjaldtöku útskýrð og birt ásamt gjaldskrá á áberandi stað á vef skólans. Hækki háskólinn gjöld umfram verðlagshækkun eða leggi á ný gjöld kynni hann nemendum það með góðum fyrirvara og útskýrir ástæður hækkunar.

4. Ábyrgð

4.1. Háskólinn ber ábyrgð á að þjónusta við nemendur sé fagleg og fullnægi kröfum um gæði og sé í samræmi við lög. Hann skal geta lagt fram gögn og skýrslur um innra mat, skv. 12. gr. laga um háskóla, því til staðfestingar.

4.2. Háskólinn ber ábyrgð á úrlausn mála gagnvart nemendum, starfsmönnum sínum, birgjum og ráðuneytinu.

4.3. Háskólinn á rétt á að kaupa þjónustu af verktökum vegna afmarkaðra þátta í rekstri skólans, en slík kaup leysa hann þó ekki undan ábyrgð á framkvæmd samningsins. Skal ekki gera minni kröfur til verktaka en gerðar eru til skólans í samningi þessum.

4.4. Háskólanum ber að gæta þess að útgjöld séu í samræmi við tekjur og gæta ráðdeildar í rekstri. Framlagi ríkisins er einvörðungu heimilt að verja til þeirrar þjónustu sem samningur þessi nær til og rekstrarafgangi til uppbyggingar á þeirri starfsemi.

4.4.1. Háskólanum er óheimilt að:

4.4.1.1. efna til óvenjulegra ráðstafana í fjármálum eða skuldbindinga sem verulegar líkur eru á að stofni framkvæmd samningsins í hættu eða bitni á námi og nemendum sem samningurinn tekur til

4.4.1.2. veita lán sem tengjast rekstri háskólans.

4.4.1.3. framselja, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila

4.4.1.4. framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997

- 4.5. Háskólinn er tilbúinn til að leggja fram áætlun, þegar eftir verður kallað, um með hvaða hætti skólinn hyggst bregðast við atburðum sem hann ræður ekki við en leitt geta til þess að rekstur hans stöðvast.
- 4.6. Háskólinn leggi fram eigi síðar en 30.09.2012 tryggingarbréf að fjárhæð 115 m.kr. til tryggingar á tjóni sem ráðuneytið kann að verða fyrir vegna vanefnda hans á samningnum, svo sem ef útvega þarf nemendum skólavist í öðrum skólum. Tryggingin er í formi veðs í hluta af tækjabúnaði og innbúi háskólans, en miðað skal við að trygging þessi og hugsanleg þinglýsing í lausafjárnám sé skólanum að kostnaðarlausu. Háskólinn hefur heimild til að hagnýta sér hið veðsetta með hefðbundnum hætti til kennslu- og rannsóknarstarfsemi. Háskólanum er hvorki heimilt að veðsetja búnaðinn og innbúið öðrum né selja eða farga hinu veðsetta nema kaupa nýrri og betri búnað í staðinn. Komi til þeirra atvika sem tilgreind eru í grein 9.6 ber háskólanum að afhenda ráðuneytinu hið veðsetta í samræmi við ákvæði þeirrar greinar. Skólinn kynni með formlegum hætti ákvæði þessarar greinar fyrir lánveitendum sínum og geti tryggingarinnar í ársreikningi.

5. Framlög ríkisins og fjárhagsleg samskipti

- 5.1. Rekstrarframlög ríkisins til háskólans á grundvelli samning þessa eru ákveðin í fjárlögum hvers árs sbr. 21. gr. háskólalaga og 3. mgr. 21. gr. laga um fjárreiður ríkisins. Fjárhagsleg skuldbinding ríkisins verður aldrei hærrí en fjárveiting í fjárlögum hvers árs á fjárlagalið skólans.
- 5.2. Framlög til samningsins eru bæði með fyrirvara um ákvörðun Alþingis um fjárveitingu í fjárlögum og um að stjórnvöld kunna að ákveða breytingar á þeim við undirbúning fjárlaga vegna aðstæðna í ríkisfjármálum á hverjum tíma. Þannig er þeim heimilt að gera kröfu um að hagrætt sé í rekstri sem samningurinn fjallar um eins og í rekstri annarra háskóla.
- 5.3. Framlag ríkisins samkvæmt samningi þessum tekur breytingum vegna almennrar launa- og verðlagsþróunar eins og hjá öðrum háskólum í fjárlögum hvers árs.
- 5.4. Tillögur ráðuneytisins við undirbúning fjárlaga um árlegt rekstrarframlag til samningsins byggja á reglum sem ráðherra setur skv. 1. mgr. 22. gr. laga um háskóla. Sömu viðmiðanir verða notaðar við tillögugerð vegna samnings þessa og vegna háskóla almennt, en að öðru leyti byggjast fjárlagatillögur meðal annars á eftirfarandi forsendum:
- 5.4.1. Ársnemendafjöldi á grundvelli próftöku í mismunandi námi (verðflokkum). Miðað verður að hámarki við 600 ársnemendur en að lágmarki við 385 enda gefi rökstudd nemendaspá tilefni til að viðmiðum verði náð. Ákvarðanir um þróun skólans skal afmarka nánar við fjárlagagerð hvers árs.
- 5.4.2. Framlagi sem tekur mið af fjölda brautskráðra nemenda.
- 5.4.3. Framlagi til rannsókna og annarra verkefna.
- 5.5. Háskólinn skilar ráðuneytinu upplýsingum vegna undirbúnings fjárlagatillagna með sama hætti og aðrir háskólar. Ráðuneytið kynnir tillögugerð sína og afgreiðslu á þeim með sama hætti og fyrir öðrum háskólum.
- 5.6. Háskólinn skilar ráðuneytinu ársáætlun (fjárhagsáætlun) fyrir næsta fjárlagaárið á sama hátt og opinberir háskólar gera samkvæmt 7. og 8. gr. reglugerðar um framkvæmd fjárlaga. Jafnframt leggur hann fram bráðabirgðauppgjör fjárhagsbókhalds ársins á undan áætlunarárinu.
- 5.7. Ráðuneytið greiðir háskólanum framlag í fjárlögum í tólf jöfnum hlutum fyrsta dag hvers mánaðar.
- 5.8. Háskólinn skilar ráðuneytinu:
- 5.8.1. Óendurskoðuðu hálfársuppgjöri fjárhagsbókhalds fyrir lok marsmánaðar ár hvert eða sambærilegum upplýsingum um fjárhagsstöðu skólans, ásamt upplýsingum um fjölda ársnemenda eftir verðflokkum á fyrri hluta ársins.
- 5.8.2. Fyrir lok október mánaðar endurskoðaðan ársreikning ársins á undan sem er áritaður af löggiltum endurskoðanda sem jafnframt kannar ársnemendatölur og annað sem

Handwritten signatures and initials:
A large stylized signature, possibly "HAR", and the word "ogd" written below it.

- snýr sérstaklega að framkvæmd þess samnings. Ársreikningurinn skal einnig sendur Fjársýslu ríkisins og Ríkisendurskoðun í samræmi við 20. gr. laga um fjárreiður ríkisins.
- 5.9. Að fjárlagaárinu liðnu skal gera rekstrarframlag upp formlega í samræmi við almennar reglur um uppgjör fjárveitinga sem ráðuneytið setur skv. 1. mgr. 22. gr. laga um háskóla.
- 5.9.1. Háskólinn lætur ráðuneytinu í té upplýsingar um próftöku og annað sem uppgjör verður byggt á. Skal þetta gert svo fljótt sem verða má eftir lok fjárlagaársins og getur ráðuneytið ákveðið skiladaga.
- 5.9.2. Leiði uppgjör í ljós að háskólanum hafi verið ofgreitt framlag endurgreiðir hann umframframlagið innan tveggja mánaða frá uppgjöri, en þó eigi síðar en í júní ár hvert og er miðað við að dreifa því á þrjá næstu mánuði, nema skólinn semji um annað við ráðuneytið. Ráðuneytinu er heimilt að draga ofgreitt framlag frá fjárveitingu á uppgjörssárinu. Háskólinn á ekki rétt á hærra framlagi en veitt er til hans í fjárlögum þótt raunfjöldi ársnemenda sé umfram forsendur fjárveitinga til hans, nema um það hafi verið gert sérstakt skriflegt samkomulag í tengslum við innritun nemenda.

6. Bókhald og fjárreiður

- 6.1. Háskólinn skal halda fjárreiðum og reikningshaldi vegna samnings þessa aðgreindu frá öðrum fjárreiðum, bókhaldi og eignum sínum.
- 6.2. Stundi háskólinn annan rekstur en þann sem fellur undir samning þennan skal hann fylgja leiðbeiningum fjármálaráðuneytis um fjárhagslega aðgreiningu í rekstri ríkisstofnana, kveði lög, reglur eða ákvarðanir samkeppnisyfirvalda ekki á um annað.
- 6.3. Að því leyti sem háskólinn fæst við önnur verkefni en felast í framkvæmd þjónustusamnings þessa skal greina frá fjárreiðum þeirra í ársreikningi háskólans.
- 6.4. Eigi háskólinn í viðskiptum við lögaðila sem háskólinn á eignarhlut í eða er í eigu eigenda háskólans, stjórnenda hans, eða annarra fjárhagslega tengdra aðila, skulu þau fara fram á viðskiptalegum forsendum og gerð grein fyrir þeim í ársreikningi háskólans. Jafnframt afhendir háskólinn ráðuneytinu ársreikning hlutaðeigandi lögaðila sem hann er eigandi að.

7. Upplýsingar, samskipti og eftirlit

- 7.1. Ráðuneytið hefur eftirlit með framkvæmd samningsins.
- 7.2. Rektor kemur fram fyrir hönd háskólans og hefur fullt umboð til að taka allar ákvarðanir vegna þess rekstrar sem felst í umsömdu verkefni.
- 7.3. Fulltrúar ráðuneytisins og háskólans funda að lágmarki einu sinni á ári um samninginn.
- 7.4. Fyrir lok nóvember ár hvert skilar háskólinn ráðuneytinu stuttri ársskýrslu á sama hátt og opinberum háskólum ber að gera skv. 7. gr. reglugerðar um framkvæmd fjárlaga. Í henni skal greint frá framkvæmd samnings þessa og lykiltölum um starfsemi háskóla skv. leiðbeiningum ráðuneytisins.
- 7.5. Háskólinn skilar ráðuneytinu upplýsingum sem það kallar eftir vegna opinberrar upplýsingagjafar.
- 7.6. Háskólinn veitir Hagstofu Íslands sundurliðaðar upplýsingar úr nemendabókhaldi og öðrum skráum vegna hagtalna og skal veita Hagstofu Íslands og ráðuneytinu upplýsingar sem UNESCO, OECD, EUROSTAT og aðrir sambærilegir aðilar fara fram á. Sama gildir um upplýsingagjöf til Rannsóknamiðstöðvar Íslands um vísindarannsóknir, tækniþróun og nýsköpun og Lánasjóðs Íslenskra námsmanna vegna námslána.
- 7.7. Háskólinn afhendir ráðuneytinu gögn og veitir því upplýsingar sem það kallar eftir vegna eftirlits með rekstri háskólans, fjármálum, og ytri úttektum. Ráðuneytinu er heimilt að gera sjálf eða fela öðrum að gera athuganir og úttektir á öllum eða einstaka þáttum í starfsemi háskólans, svo sem fjármálum, stjórnáslu og gæðum náms, kennslu og rannsókna. Í því sambandi hefur það aðgang að öllum gögnum hjá háskólanum sem máli skipta. Upplýsingagjöf ráðuneytisins um þessi gögn er háð takmörkunum skv. upplýsingalögum nr.

11
12
13

50/1996. Um mat og eftirlit með gæðum starfs í háskólanum fer samkvæmt IV. kafla laga um háskóla og reglum sem ráðuneytið setur.


- 7.8. Samning þennan, viðurkenningarskjöl háskólans, ársreikning hans, ársskýrslu og úttektarskýrslur skal birta á vef háskólans jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

8. Vanefndir og meðferð ágreinings

- 8.1. Háskólanum ber að tilkynna ráðuneytinu skriflega ef vafi leikur á um að hann geti uppfyllt forsendur samningsins sbr. 1. gr. eða aðrar þær skyldur sem samningur þessi kveður á um. Jafnframt skal háskólinn senda ráðuneytinu upplýsingar um til hvaða úrræða hann hyggst grípa.
- 8.2. Komi í ljós að annar hvor samningsaðila efni ekki skuldbindingar sínar samkvæmt samningnum er hinum aðilanum heimilt að krefjast úrbóta og setja hæfilega tímafresti. Skal það gert skriflega.
- 8.3. Ráðuneytinu er heimilt að draga úr eða stöðva greiðslur til háskólans bæti hann ekki úr vanefndum innan tímafrests sbr. grein 8.2. Ráðuneytið skal þó fyrst gefa hæfilegan lokafrest til úrbóta.
- 8.4. Samningsaðilar munu leitast við að jafna ágreining, ef einhver er, sín á milli.
- 8.5. Dómsmál sem rísa kann út af samningi þessum skal rekið fyrir Héraðsdómi Reykjavíkur.

9. Gildistími og lok samnings

- 9.1. Samningurinn gildir frá 1. janúar 2012 til 31. desember 2016.
- 9.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekin til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 9.3. Óski annar hvor aðila eftir að segja samningnum upp skal það gert skriflega í síðasta lagi fyrir lok desember miðað við að samningur gildi til loka yfirstandandi skólaárs.
- 9.4. Háskólanum ber að tilkynna ráðuneytinu án dráttar ef til breytinga kemur á eignarhaldi háskólans og er ráðuneytinu þá heimilt að segja upp samningnum með þriggja mánaða fyrirvara. Á sama hátt skal tilkynna ráðuneytinu um breytingar á yfirstjórn háskólans.
- 9.5. Segi háskólinn upp samningnum gildir hann þó áfram um þá nemendur sem eru í skólanum þegar uppsögn berst þar til þeir gætu hafa lokið námi miðað við eðlilega námsframvindu, enda semjast ekki um annað við ráðuneytið.
- 9.6. Afturkalli ráðherra viðurkenningu háskólans sbr. heimild í 4. gr. laga um háskóla vegna þess að hann uppfyllir ekki lengur skilyrði hennar eða segi ráðuneytið upp samningnum vegna alvarlegra vanefnda háskólans á honum og ágreinings sem aðilum samningsins tekst ekki að leysa úr, getur það leitt til fyrirvaralausrar riftunar samningsins. Ráðuneytið getur við þær aðstæður tekið yfir rekstur háskólans eða flutt verkefnið sem samningur þessi fjallar um ásamt fjárveitingum þess til annars skóla enda sé hagsmunum nemenda best borgið á þann hátt að mati ráðuneytisins. Ráðuneytið getur ákveðið að húsnaði, búnaður, kerfi, skrár og skjöl í eigu háskólans eða rekstraraðila hans fylgi verkefninu þar til nemendur hafa lokið námi miðað við eðlilegan námshraða eða tekist að útvega þeim nám í öðrum skólum, sbr. grein 4.6.
- 9.7. Samningsaðilar ákveða sameiginlega innan hálfes árs frá lok gildistíma samningsins hvort stefna skuli að endurnýjun hans og hefja í framhaldinu viðræður um það. Liggi á hinn bóginn ljóst fyrir af hálfu annars hvors samningsaðila að vilji sé ekki fyrir hendi til endurnýjunar samnings skal sú afstaða viðkomandi samningsaðila tilkynnt gagnaðila í samræmi við ákvæði greinar 9.3. Miðað er við að eigi síðar en hálfu ári áður en samningur rennur út hafi ráðuneytið lokið sérstakri úttekt á framkvæmd samningsins og metið forsendur fyrir áframhaldandi samningi. Á grundvelli þeirrar úttektar er tekin ákvörðun um



framhald rekstrarverkefnis, sbr. 17. gr. reglugerðar um samninga um rekstrarverkefni sem ráðuneyti og ríkisstofnanir gera til lengri tíma en eins árs.


9.8. Af samningi þessum eru gerð þrjú eintök. Hvor samningsaðili heldur sínu eintaki og fjármálaráðuneytið einu.

Reykjavík, 22. júní 2012


Rektor Listaháskóla Íslands
Hjálmar Helgi Ragnarsson


Mennta- og menningarmálaráðherra
Katrín Jakobsdóttir

Samningur staðfestur
skv. 1. m.gr. 30. gr. laga nr. 88/1997


Fjármálaráðherra
Oddný G. Harðardóttir
skv. 1. m.gr. 30. gr. laga nr. 88/1997